

POSEBNI ODJEL ZA RATNE ZLOČINE
Broj: T20 0 KTRZ 00 21502 21
Sarajevo, 29.12.2021. godine

SUD
BOSNE I HERCEGOVINE
SARAJEVO
-Sudiji za prethodno saslušanje-
Na broj: S1 1 K 041879 21 Krn

Na osnovu odredbe člana 35. stav 2. tačka i) i odredbe člana 226. stav 1. Zakona o krivičnom postupku Bosne i Hercegovine, podižem

OPTUŽNICU

Protiv osumnjičenog:

BRANISLAV LASICA zvani "Miško" i "Laci",
rođen 31.07.1965.godine u Goraždu,

MIROSLAV MILOVIĆ,
rođen 28.10.1950.godine u Ustipračićima-Goražde

što su:

Za vrijeme rata u Bosni i Hercegovini i u toku oružanog sukoba između Teritorijalne odbrane RBiH (TO RBiH), kasnije Armije Republike Bosne i Hercegovine (ARBiH) i Teritorijalne odbrane Srpske Republike Bosne i Hercegovine (TO SRBiH), kasnije Vojske Srpske Republike Bosne i Hercegovine, odnosno Vojska Republike Srpske (VRS), od početka maja do kraja jula 1992.godine, **Miroslav Milović**, u svojstvu komandanta rejonskog štaba Opštinskog štaba Teritorijalne odbrane (RjŠTO) Srpske opštine Goražde, koja se nalazila u sastavu Srpske Republike Bosne i Hercegovine (SRBiH), i *de facto* nadređenog komandirima četa Opštinskog štaba Teritorijalne odbrane (OpŠTO) Srpske opštine Goražde, i to: komandiru čete TO „Podkamen“ (TO „Lozje“/„Kokino selo“) **Branislavu Lasici zv. „Miško“ i „Laci“**, komandiru

čete TO „Površnica“ [REDACTED] TO „Poda“ [REDACTED] (*umro*) i njima podređenim pripadnicima navedenih četa, postupajući protivno pravilima međunarodnog humanitarnog prava, kršeći odredbe članova 3. stav 1. tačka a), 32., 53. i 147. Ženevske konvencije (IV) o zaštiti civilnih lica za vrijeme rata od 12.08.1949. godine, članova 48., 51., 52., 57., 58., 59., 75., 85. stav 3., 86. i 87. Dopunskog protokola I uz Ženevske konvencije od 12.08.1949. godine o zaštiti žrtava međunarodnih oružanih sukoba, članova 4. stav 1., stav 2. tačka a), b), e), g), 4., 13. i 14. Dodatnog protokola II uz Ženevske konvencije od 12.08.1949. godine o zaštiti žrtava nemeđunarodnih oružanih sukoba, članova 3., 4., 23. i 25. Pravilnika o zakonima i običajima rata na kopnu koji je sastavni dio Konvencije o zakonima i običajima rata na kopnu od 18.10.1907. godine (IV Haška konvencija) na način da su

Miroslav Milović, zajedno sa njemu nadređenim komandantom OpŠTO Srpske opštine Goražde [REDACTED]

[REDACTED] i podređenim komandirima četa TO „Podkamen“ (TO „Lozje“/„Kokino selo“) **Branislavom Lasicom**, TO „Površnica“ [REDACTED] i TO „Poda“ [REDACTED], planirali, dogovarali, pripremali, naredili, podstrekavali, te pomagali u planiranju, pripremi i učinjenju oružanog pješadijskog napada, te organizovali grupu njima podređenih pripadnika OpŠTO Srpske opštine Goražde, koja je zajedno sa nekoliko pripadnika MUP-a Srpske Republike Bosne i Hercegovine (SRBiH) izvršila napad na civilna lica bošnjačke nacionalnosti naselja Lozje (Kokino Selo), u kojem su i lično učestvovali, i to **Miroslav Milović**, koji je po naredbi [REDACTED], organizovao grupu njemu podređenih komandira četa TO „Podkamen“, TO „Površnica“ i „TO Poda“ i njima podređenih pripadnika OpŠTO Srpske opštine Goražde, te rukovodio i komandovao svim navedenim komandirima četa i pripadnicima OpŠTO Srpske opštine Goražde i pripadnicima MUP-a Srpske Republike Bosne i Hercegovine, a **Branislav Lasica**, po prethodnom planu i dogovoru, organizovao grupu pripadnika čTO „Podkamen“ OpŠTO Srpske opštine Goražde, te rukovodio i komandovao pripadnicima čTO „Podkamen“, koji napad su izvršili dana 22.05.1992.godine u ranim jutarnjim satima, oko 05:00 časova, *namjerno usmjeravajući napad i pravce napada na civile i civilne objekte*, koordinišući i usaglašavajući aktivnosti međusobno, kao i sa komandirima četa TO „Površnica“ [REDACTED] i TO „Poda“ [REDACTED] i pripadnicima MUP-a Srpske Republike Bosne i Hercegovine (SRBiH), ostvarujući međusobnu komunikaciju putem sredstava veze, kao i sa komandantom OpŠTO Srpske opštine Goražde [REDACTED], kojeg je o toku napada, po prethodnom dogovoru, izvještavao Miroslav Milović, *i svjesni da usljed takvog napada na civilne ciljeve i tih radnji njih i njima podređenih pripadnika OpŠTO Srpske opštine Goražde i čTO Podkamen i pripadnika MUP SRBiH može doći do ubistava, ranjavanja civila i uništenja njihovih kuća i pomoćnih objekata, na šta su pristali*, i koji napad su izvršili dana 22.05.1992.godine u ranim jutarnjim satima, oko 05:00 časova, krećući se iz tri pravca, i to iz pravca naselja Rijeka, iz pravca Čobinog brda i iz pravca naselja Površnice, opkoljavajući bošnjačke kuće sa tri strane, pucajući iz ručnih bacača i vatrenog oružja u pravcu kuća u kojima su se nalazili civili bošnjačke nacionalnosti u naselju [REDACTED] paleći kuće i ubijajući civile koji su zatekli ispred kuća ili u kućama ili nakon što su zarobljeni, pa su tom prilikom ubijeni:

[REDACTED], dok su u daljem toku napada, kada su civili bošnjačke nacionalnosti, među kojima je bio veći broj žena i djece i koji su se krili u podrumu kuće [REDACTED], izašli iz kuće i, u pokušaju da pobjegnu prema rijeci Drini, trčali u pravcu Drine i preko magistralnog puta [REDACTED], uz put se zaklanjujući od rafalne paljbe kojoj

su bili izloženi u kanal pored puta, nepoznati pripadnici navedenih četa OpŠTO Srpsko Goražde, „TO Podkamen“, TO „Površnica“ i TO „Poda“ i pripadnici MUP-a Srpske Republike Bosne i Hercegovine (SRBiH) su pucali iz vatrenog oružja u civile bošnjačke nacionalnosti, kojom prilikom su lišeni života, odnosno zadobili smrtonosne povrede od kojih su istog dana preminuli:

[REDACTED], **Miroslavu Miloviću** podređeni pripadnici navedenih četa OpŠTO Srpske opštine Goražde zarobili sedam muškaraca bošnjačke nacionalnosti i to:

[REDACTED], odveli su ih u nepoznatom pravcu i upotrebom vatrenog oružja lišili života, a njihovi posmrtni ostaci su pronađeni dana 17.3.1993. godine u masovnoj grobnici u mjestu [REDACTED], opština Goražde, te su **Miroslav Milović i Branislav Lasica** počinili i pomagali u pripremanju i učinjenju nezakonitog zatvaranja oko 70 civila bošnjačke nacionalnosti naselja [REDACTED], među kojima su [REDACTED], pri čemu je Miroslav Milović organizovao grupu njemu podređenih komandira četa i pripadnika OpŠTO Srpsko Goražde, a Branislav Lasica njemu podređenih pripadnika čete „TO Podkamen“, koji su nakon izvršenog napada nezakonito lišili slobode te civile, iako su znali da za njihovo lišenje slobode ne postoji zakonski osnov i ne obavijestavajući ih o razlozima njihovog hapšenja, niti pokrećući postupak za ispitivanje osnovanosti i zakonitosti njihovog zatvaranja, te držali zatočenim u kućama [REDACTED] narednih 9 dana, gdje su ih obezbjeđivali pripadnici OpŠTO Srpske opštine Goražde, kojom prilikom su [REDACTED]

[REDACTED] gdje su ih držali pripadnici OpŠTO Srpsko Goražde i odakle im se gubi svaki trag 23.05.1992. godine,

dakle, kršeći pravila međunarodnog prava za vrijeme rata i oružanog sukoba, planirali, pripremali, dogovarali, naredili, podstrekavali, učinili, pomagali u planiranju, pripremi i učinjenju krivičnih djela, te organizovali grupu ljudi radi vršenja krivičnog djela, čime bi počinili sljedeća krivična djela:

- 1) Ratni zločin protiv civilnog stanovništva iz člana 173. stav 1. tačka a), b), c), e) i f) KZBiH i to:
 - a) napad na civilno stanovništvo i naselja, a ti napadi su posljedovali smrću, teškom tjelesnom povredom ili teškim narušenjem zdravlja,
 - b) napad bez izbora cilja kojim se ozljeđuje civilno stanovništvo,
 - c) ubijanja, namjerno nanošenje osobi snažnog tjelesnog ili duševnog bola ili patnje (mučenje), nečovječno postupanje
 - e) protivzakonito zatvaranje
 - f) protivpravno, samovoljno i vojnim potrebama neopravdano uništavanje ili prisvajanje imovine u velikim razmjerama, i to:
- 3) Organizovanje grupe ljudi i podstrekavanje na učinjenje krivičnih djela genocida, zločina protiv čovječnosti i ratnih zločina iz člana 176. KZBiH

4) Povrede zakona ili običaja rata iz člana 179. stav 1. i 2. tačka b) KZBiH, i to: svi osumnjičeni (radnjama pod tačkama I i II),

sve u vezi sa članovima 29, 30, 31, 34, 176. stav 1. i 4., 180. stav 1., 247, 248, 249 KZ BiH.



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Poseban odjel za ratne zločine
Broj: T 20 0 KTRZ 00 21502 21
Sarajevo, 07.01.2021. godine

SUD BOSNE I HERCEGOVINE
- Sudiji za predhodni postupak –
Na sudski broj: S1 1 K 041879 21 Krn
SARAJEVO

Na osnovu člana 35. stav 1. i 2., člana 126. stav 2. i 126a. Stav 1.tačke c) i d) Zakona o krivičnom postupku Bosne i Hercegovine, p o d n o s i m

PRIJEDLOG
ZA PRODUŽENJE MJERA ZABRANE
NAKON POTVRĐIVANJA OPTUŽNICE

Da se osumnjičenom :

MIROSLAV MILOVIĆ, [REDACTED] rođen 28.10.1950.godine u Ustipraču, [REDACTED]
[REDACTED]

BRANISLAV LASICA, [REDACTED] rođen 31.07.1965.godine u Goraždu, [REDACTED]
[REDACTED]

Produže mjere zabrane nakon potvrđivanja optužnice Tužilaštva BiH broj: T 20 0 KTRZ 00 21502 21 od 30.12.2021.godine, shodno članu 126. stav 2., članu 126.a stav 1. tačka c) i članu 126a stav 1.tačka d) ZKP-a BiH.

O b r a z l o ž e n j e

Iz podignute Optužnice broj: T 20 0 KTRZ 00 21502 21 od 30.12.2021.godine, proizlazi da su osumnjičeni Miroslav Milović i Branislav Lasica počinili krivično djelo Ratni zločin protiv civilnog stanovništva iz člana 173. stav 1. tačke a), b), c), e) i f) KZBiH, u vezi sa krivičnim djelom Organizovanje grupe ljudi i podstrekavanje na učinjenje krivičnih djela genocida, zločina protiv čovječnosti i ratnih zločina iz člana 176. KZ BiH, krivičnim djelom Povrede zakona ili običaja rata iz člana 179. stav 1. i 2. tačka b) KZ BiH a sve u vezi sa članom 29 i članom 180. stav 1. istog Zakona, na način kako je to opisano u optužnici.

Postupajući po prijedlogu ovog Tužilaštva za određivanjem mjera zabrane osumnjičenima od 22.12.2021. godine, rješenjem sudije za prethodni postupak Suda BiH broj: S1 1 K 041879 21 Krn 3 od 23.12.2021. godine prema osumnjičenima su određene mjere zabrane: zabrana putovanja iz člana 126. stav 2. ZKP BiH, zatim zabrana sastajanja sa određenim osobama iz člana 126a stav 1. tačka c) ZKP BiH i Obaveza javljanja nadležnom državnom organu iz člana 126a stav 1. tačka d) ZKP-a BiH.

Tužilaštvo BiH smatra da na strani osumnjičenih Miroslava Milovića i Branislava Lasice i dalje postoje određene okolnosti koje ukazuju na opasnost od bjekstva, a s obzirom da su isti svjesni da će u skorijem periodu započeti glavni pretres, a kada se uzme u obzir samo krivična djela koja se osumnjičenima stavljaju na teret i zapriječena kazna za djelo, postoji osnovana bojazan da osumnjičeni imaju jak motiv da pobjegnu, te na taj način budu nedostupni pravosudnim institucijama BiH ukoliko im mjere zabrane ne budu produžene. Ističemo činjenicu da je do sada veliki broj osumnjičenih osoba za krivična djela iz glave XVII KZ BiH uspio da se sakrije ili pobjegne u susjedne ili druge države, te da na taj način izbjegne krivično gonjenje.

U konkretnom slučaju, cijenimo da postoji osnov za produženje već izrečenih mjera zabrane – zabrane putovanja i zabrana sastajanja sa određenim osobama i obavezu javljanja nadležnom državnom organu, a sve u skladu sa članom 126. stav 2., članom 126.a stav 1. tačka c) i članom 126a stav 1.tačka d) ZKP-a BiH.

S obzirom na naprijed navedeno Tužilaštvo BiH predlaže Sudiji za prethodni postupak Suda BiH da donese rješenje kojim će se osumnjičenima Branislavu Lasici i Miroslavu Miloviću produžiti mjere zabrane kao u prijedlogu, a sve na osnovu člana 126. stav 2., člana 126.a stav 1. tačka c) i člana 126a stav 1.tačka d) ZKP-a BiH.

TUŽILAC
TUŽILAŠTVA/TUŽITELJSTVA BiH